

'kasilivane

singsi ka 'apbaka "kasilivane mitiya ka kacaysyane. tyadike'ee kita
nyane sawkoa! sana'asilivi ka maesale 'ikay ko toloanini. 'iyakay ko
toloanidra na thiyathiyo, toloanidra na koli'i, 'iyakay ko toloanidra na
palealeabe, kasilivane ka dike'eanita ka ta'acoavane. myana: silivini na
talyalalay ka amanimananga na ka wadoo sisilivi na kasilivani."

ana kasilivane no 'ikayni tacekecekelanita ka kacaysyane ka
sawkoa 'aigo'ane dike'eane ka memane, 'odanga na swadrekay si
taliyaodrane ka makocingay sawkoa, ana kasilivane ka madrao ko
syakaimade paytha na ma'akakwanga, ana memane silivi taladrai ce'ee
gamoco ka syaakaynga kimade na silivi di'ici, lasodoo
maepenge 'amameane makocingay.

kasilivane ka makocingay namya ka thakongadavane,
ikamanimani 'amameane pakiyamaw na ta'acoavane na dike'eanini
taka'aganini, makocingay ka zaysange, no mobaba'animade, idoo kimade
pakadroa makocingay ka sapabaolo, myana moimoikane, moitolotho,
gamogamo, amanimananga na talyalay ka wadoo simameane, layana
pa'apothingalane na ta'acoavanidra dike'eanini.

ko cengecengelita 'atalese ka 'iyakay na ce'ee, kedrekedre, sananapi,
bakekeai, kyasa'apaanga zidai bwaithinga na taiyane, mo'i'ithinga igilane,
nakaynga na silivi ka mayagi'inga, ko paithaini ko booane, doonga paiytha
na saka'ieleleane na memane, sikaynga na maagi'i na memane kasilivane ka
makocingay ka memane sapalanganimade ka syapabaolo kimade makasi
ti'icanenga nakaynga ko tyakikadringay pabaithinga na ba'owane na silivi
lakasalenga namiya' ikay na silivi iiya ko booane sakakocingaini makasi
idoo kiname 'oipi.

(文章大意 僅供參考) ※字數限 200 字

琉璃珠

老師說：「琉璃珠對我們原住民，是很重要的東西！琉璃珠都有一個重要的意義。有的代表孔雀、太陽、勇士，也是尊貴的象徵，如：貴族之珠只有貴族才能佩帶」

琉璃珠可以製作很多很多的飾品，傳統服飾、項鍊、頭飾、肩帶等，都需要用琉璃珠來加工配飾，成為一件貴重華麗的作品。不只是飾品，也象徵地位與階級，嫁取的聘禮，像是 moimoikane、moitolotho、gamogamo 等，只有貴族才可以配戴，用來彰顯身分地位。